



Sud BiH odredio pritvor za švercere krivotvorenog novca



Hapšenje osumnjičenih



Krivotvoreni dolari

STAVILI U PROMET 122 NOVČANICE OD 100 DOLARA

Kod Nevenka Božičića i Slavka Bibića na prelazu Rača pronađeno 20.000 USA dolara • Prvoosumnjičeni koristio slovenačku ličnu kartu na ime Niko Kovač

Sud BiH odredio je jednomjesečni pritvor za Nevenka Božičića (54) i Slavka Bibića (49) iz Novog Sada, kod kojih je 18. augusta, tokom pretresa vozila na graničnom prelazu Rača, pronađeno 20.000 krivotvorenih američkih dolara.

Pošte i mjenjačnice

Podsjetimo, granični policajci na Graničnom prelazu Rača zaustavili su mercedes u kojem su bili Božičić i Bibić jer je za njima bila raspisana potraga. Njih dvojica su predati pripadnicima SIPA, a prilikom pretresa njihovog mercedesa pronađeno je 19.900 američkih dolara u aopenima od 100 dolara, te 100 krivotvorenih američkih dolara kod Božičića. Rad na ovom predmetu pripadnici SIPA počeli su krajem jula. Budući da je uočena masovnija pojava stavljanja u promet krivotvorenih novčanica američkih dolara u poštama i mjenjačnicama u više gradova u BiH, SI-

PA je preduzela potrebne mjere i radnje iz svoje nadležnosti, te koordinirala aktivnosti sa drugim policijskim agencijama u BiH i regionu radi otkrivanja izvršilaca. Policijski službenici SIPA-e, u saradnji sa policijskim službenicima MUP-a RS-a, u kratkom roku su utvrdili identitet osumnjičenih osoba. SI-PA je obavijestila Graničnu policiju BiH o identitetu osumnjičenih osoba i zbog čega se potražuju i samo se čekalo kada će se pojaviti na nekom od graničnih prelaza, kako bi bili uhapšeni.

Nakon hapšenja, službenici određenih poslovnica JP BH POŠTA, na osnovu predočenih fotografija, prepoznali su Božičića i Bibića kao osobe koje su kod njih razmijenile lažne novčanice.

Također je utvrđeno da je prvoosumnjičeni Božičić koristio krivotvorenu ličnu kartu Republike Slovenije na ime Niko Kovač. Saradnja je ostvarena i sa Centralnom ban-

kom BiH koja je obavila vještačenja novčanica te je potvrđeno da su krivotvorene.

Prilikom rada na ovom predmetu ostvarena je saradnja i sa pripadnicima MUP-a Republike Srbije i MUP-a Republike Slovenije, te je utvrđeno da su osumnjičene osobe samo fiktivno prijavljene na području BiH, a trenutno su nastanjene u Srbiji. Prilikom rada na ovom predmetu utvrđeno je da su Božičić i Bibić u periodu od 22 do 26. jula stavile u platni promet 12.200 krivotvorenih američkih dolara, odnosno 122 novčanice u aopenima od 100 dolara.

Nastavlja se rad

Policijski službenici SIPA, u saradnji sa policijskim službenicima Granične policije BiH, u koordinaciji sa Tužilaštvom BiH, aktivno nastavljaju rad na ovom predmetu radi utvrđivanja svih činjenica i dokumentiranja krivičnog djela.

D. P.